



**UNIT KOMUNIKASI KORPORAT
JABATAN PERIKANAN MALAYSIA
BERITA PERIKANAN HARI INI**

24 September 2021

17 Safar 1443h

SENARAI AKHBAR	TAJUK
Utusan Malaysia	
Berita Harian	
Harian Metro	
Kosmo !	<ul style="list-style-type: none">• Nelayan beli dadah di tengah laut• 123 nelayan terjebak najis dadah di Johor
Sinar Harian	
The Star	
New Straits Time	
Nanyang Siang Pau	
Malaysia Gazette	
Harakah	
Malaysia Dateline	
Bernama	
See Hua Daily News (Kuching)	
Guan Ming Daily	
Sin Chew Daily	

JENIS AKHBAR							MUKA SURAT	TARIKH
UTUSAN MALAYSIA		KOSMO!	/	THE STAR		NANYANG SIANG PAU		
BERITA HARIAN		SINAR HARIAN		THE SUN		ORIENTAL DAILY		
HARIAN METRO		NEW STRAITS TIMES		THE MALAY MAIL		PELBAGAI Sabah Media		
KATEGORI LIPUTAN: POSITIF			NEGATIF		NEUTRAL		2	29/09/2021

Ada juga menjadi transporter guna bot seludup bahan terlarang dari Indonesia

Nelayan beli dadah di tengah laut

Oleh WARTAWAN KOSMO!

JOHOR BAHRU – Keinginan untuk mendapatkan tenaga tambahan selain mengelak daripada rasa mengantuk mendorong segelintir komuniti laut terutama nelayan mendapatkan bekalan dadah daripada pengedar yang beroperasi di atas bot.

Difahamkan, pengambilan dadah dalam kalangan nelayan dianggap sebagai satu 'keperluan' bagi memastikan mereka terus bertenaga selama berada di tengah laut untuk menangkap ikan.

Situasi itu bagaimanapun telah memberi 'idea' baharu kepada sindiket pengedaran dadah untuk menjadikan nelayan-nelayan ini sebagai pelanggan tetap menerusi proses jual beli yang dilakukan di atas bot.

Sumber memberitahu, wujud dakwaan bahawa berlaku henes dadah di atas air yang menggunakan bot-bot nelayan di sekitar perairan Johor bermula dari Mersing hingga ke Muar.

Katanya, modus operandi yang digunakan sangat mudah iaitu pelanggan iaitu nelayan hanya perlu membuat tempahan kepada ejen sebelum bekalan dadah dihantar ke lokasi tertentu.

Menurutnya, aktiviti perdagangan haram ini dikatakan sering berlaku di persisiran pantai yang mempunyai komuniti laut yang lebih tinggi termasuk Mersing, Pontian, Iskandar Puteri serta Batu Pahat dan Muar.

"Tidak dinafikan memang ada segelintir nelayan di negeri ini dikatakan terlibat dalam aktiviti penyalahgunaan dadah sama ada menjadi pengedar atau penagih.

"Biasanya, nelayan akan turun ke laut dalam tempoh yang agak lama untuk menangkap ikan.

"Jadi mereka perlu bekerja



ANTARA bot yang ditahan polis selepas dipercayai digunakan oleh sindiket untuk menjalankan aktiviti pengedaran dadah di perairan Johor.

keras dan untuk dapatkan tenaga 'extra', mereka memilih menghisap dadah," kata sumber ketika ditemui baru-baru ini.

Mengulas mengenai isu itu, Ketua Polis Johor Datuk Ayob Khan Mydin Pitchay turut tidak menolak kemungkinan wujud aktiviti berkenaan memandangkan pengedar atau penagih mempunyai pelbagai taktik dan helah dalam urusan dadah.

Menurutnya, meskipun belum ada tangkapan melibatkan aktiviti jualan dadah di atas bot nelayan, namun pihaknya akan meneliti selain melakukan siasatan serta risikan terhadap dakwaan ini.

"Berdasarkan maklumat dan siasatan ke atas pengedar dadah



AKTIVITI pengedaran dadah di perairan negara masih berlaku disebabkan wujudnya permintaan daripada sesetengah pihak.

terutamanya melibatkan nelayan yang jadi penghantar atau transporter, mereka mengakui pelbagai kaedah yang digunakan untuk menjalankan aktiviti haram itu.

"Pada kebiasaannya, mereka (nelayan) mengambil dadah jenis syabu, heroin dan ganja. Dadah jenis ini merupakan peransang kepada tubuh badan manusia untuk jadi kuat dan tahan me-

ngantuk ketika bekerja," katanya.

Dalam pada itu, Ayob Khan turut mendedahkan, terdapat segelintir nelayan yang melibatkan diri sebagai transporter kepada sindiket pengedaran dadah antarabangsa.

Menurutnya, mereka diberi upah untuk membawa dadah yang siap dibungkus sebelum dihantar atau dibawa masuk



DADAH jenis syabu antara yang menjadi pilihan nelayan.

dari Indonesia.

Upah kerja 'part time' ini sangat lumayan antara RM500 atau RM1,000 sekali bawa, lagi banyak trip lagi banyak pulangan komisen yang dapat.

Kadar upah ini bergantung kepada berat dadah yang dibawa transporter berkenaan.

"Beraku urus niaga dan juga dadah ditransit di atas bot transporter dengan tekong laut Indonesia yang sudah menungku bekalan yang mahu dieksport atau import.

"Urus niaga ini berlaku di tengah laut iaitu sempadan perairan antarabangsa Malaya-Indonesia atau terus ke lokasi yang ditetapkan.

"Modus operandi digunakan ada dua, sama ada bekalan dadah diedar secara dari tangan ke tangan atau mencampakkan bungkus ke dalam laut yang sudah diikat dengan pemberat atau pelepasan dan akan diambil oleh rangkaian sindiket yang lain," katanya.

Ayob Khan berkata, aktiviti pengedaran dadah antarabangsa tidak ada pasang surut kerana aktiviti jenayah ini bergantung kepada permintaan dan penawaran (*demand and supply*), tidak kira sama ada ketika Perintah Kawalan Pergerakan (PKP) atau tidak.

JENIS AKHBAR							MUKA SURAT	TARIKH
UTUSAN MALAYSIA		KOSMO!	/	THE STAR		NANYANG SIANG PAU		
BERITA HARIAN		SINAR HARIAN		THE SUN		ORIENTAL DAILY		
HARIAN METRO		NEW STRAITS TIMES		THE MALAY MAIL		PELBAGAI		
KATEGORI LIPUTAN: POSITIF			NEGATIF		NEUTRAL		2	24/09/2021

123 nelayan terjebak najis dadah di Johor

JOHOR BAHRU - Seramai 123 nelayan di negeri ini ditahan selepas disyaki terlibat dalam aktiviti penyalahgunaan dadah sepanjang tempoh Januari hingga September tahun ini.

Ketua Polis Johor, Datuk Ayob Khan Mydin Pitchay berkata, tangkapan itu membabitkan komuniti laut di lima daerah negeri ini dengan melibatkan 107 ke-

Menurutnya, daerah Mersing mencatatkan angka tangkapan tertinggi iaitu 55 individu diikuti Pontian (28), Kota Tinggi (15), Muar (13) dan Iskandar Puteri dengan 12 tangkapan.

"Sepanjang tahun ini, polis Johor berjaya menahan 123 komuniti laut melibatkan individu berusia antara 20 hingga 55 tahun.

"Mereka ditahan atas pelbagai kesalahan penyalahgunaan dadah termasuk menghisap dadah dan menjadi pengedar.

"Ada juga individu yang ditahan kerana menjadi transporter kepada sindiket penyeludupan dadah," katanya kepada Kosmo! baru-baru ini.

Ayob Khan berkata, polis Johor tidak akan berhenti melaku-

kan pemantauan, risikan serta penyiasatan ke atas mereka yang terlibat dalam kancas dadah.

"Saya ingin menasihatkan agar individu yang terlibat dalam aktiviti penyeludupan dan penyalahgunaan najis dadah ini untuk berhenti segera kerana polis tidak akan bertolak ansur dengan sesiapa pun yang terlibat," tegasnya.



AYOB KHAN